

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik

Broj: 09-49-26470/15  
Sarajevo, 20.01.2016. godine

Na osnovu člana 100. stav 3. Zakona o javnim nabavkama ("Službeni glasnik", br. 39/14), člana 200. Zakona o upravnom postupku ("Službene novine Federacije BiH", br. 2/98 i 48/99), te člana 13. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga – pružanje usluga osiguranja i registracije službenih vozila za Općine Novi Grad Sarajevo, putem konkurentskog postupka objavljenom u "Službenom glasniku BiH" od 07.12.2015. godine i Portalu javnih nabavki obavještenje o nabavci, br. 422-7-2-275-3-122/15 od 07.12.2015. godine, rješavajući po žalbi VGV osiguranje dd Visoko na Zapisnik o otvaranju ponuda, na preporuku Komisije za javne nabavke roba i usluga, Općinski načelnik, donosi

## ODLUKU

1. Poništava se postupak javne nabavke usluga – pružanje usluga osiguranja i registracije službenih vozila za potrebe Općine Novi Grad Sarajevo, putem konkurentskog postupka objavljenom u "Službenom glasniku BiH" od 07.12.2015. godine i Portalu javnih nabavki obavještenje o nabavci, br. 422-7-2-275-3-122/15 od 08.05.2015. godine, zbog greše u proceduri dostave blagovremenih ponuda Komisiji za javne nabavke, shodno članu 69. stav 3. Zakona o javnim nabavkama.

2. Zadužuje se Služba za finansije i zajedničke poslove da obavjesti učesnike u konkurentskom postupku o donošenju Odluke o poništenju postupka javne nabavke donesene po žalbi učesnika u postupku javne nabavke, VGT osiguranje dd Visoko.

3. Protiv ove Odluke dozvoljena je žalba u roku od 5 dana od dana prijema iste.

## O b r a z l o ž e n j e

Postupak javne nabavke usluga - pružanje usluga osiguranja i registracije službenih vozila za potrebe Općine Novi Grad Sarajevo, pokrenut je putem konkurentskog postupka objavljenom u "Službenom glasniku BiH" od 07.12.2015. godine i Portalu javnih nabavki - obavještenje o nabavci, br. 422-7-2-275-3-122/15 od 07.12.2015. godine.

Izvjestajem i Preporukom Komisije za javne nabavke, utvrđeno je:

- da je Zapisnikom o otvaranju ponuda od 07.01.2015. godine konstatovano je da je pristiglo pet ponuda u određenom roku za dostavu i to:

- BOBAR osiguranje Sarajevo, sa ponudom u iznosu od 9.398,62 KM,
- ASA osiguranje dd Sarajevo, sa ponudom u iznosu od 10.654,94 KM,
- VGT osiguranje dd Visoko, sa ponudom u iznosu od 7.780,17 KM,
- BSO podružnica Sarajevo, sa ponudom u iznosu od 9.433,10 KM,
- TRIGLAV osiguranje, sa ponudom u iznosu od 8.292,80 KM.

- da su nakon javnog otvaranja ponuda, putem Službe za opću upravu, dostavljene još dvije ponude i to ponuda EUROHERC osiguranje dd Sarajevo i ponuda Sarajevo – osiguranja,

- da su naknadno dostavljene ponude blagovremene (na ponudama označeno vrijeme prijema i to ponuda EUROHERC osiguranja je zaprimljena 07.01.2016. godine u 10 sati i 41 minut, a ponuda Sarajevo – osiguranja dana 07.01.2016. godine u 8 sati i 42 minuta),

- da je Komisija istog dana održala zasjedanje, te razmotrila mogućnosti daljeg postupanja, obzirom da ponude koje su dostavljene poslije javnog otvaranja nisu mogle biti vraćene ne otvorene ponuđačima, imajući u vidu da su blagovremene, a niti su se mogle otvoriti bez javnog otvaranja, te je primjenom Zakona o upravnom postupku, odmah zakazala javno otvaranje za ponedjeljak 11.01.2016. godine,

- da su na javnom otvaranju dana 11.07.2016. godine bili su prisutni predstavnici EUROHERC OSIGURANJA dd Sarajevo i VGT osiguranje dd Visoko, pri čemu su prisutnima prezentirane/zatvorene ponude sa naznačenim datumom prijema na istim i obrazloženjem Odgovora Službe za opću upravu, kada je sačinjena dopuna zapisnika, na koji nije bilo primjedbi,

- da je dopunom Zapisnika od 11.01.2016. godine je izvršeno otvaranje i to:
  - SARAJEVO – OSIGURANJE d.d. Sarajevo, sa ponudom u iznosu od 7.128,00 KM,
  - EUROHERC OSIGURANJE dd Sarajevo, sa ponudom u iznosu od 8.823,75 KM.
- da je dopuna Zapisnika o otvaranju dostavljena svim ponuđačima istog dana.

Protiv navedenog Zapisnika, VGT osiguranje dd Visoko je dana 15.01.2016. godine izjavilo žalbu u kojoj je naveo da je izvršena povreda člana 63. Zakona o javnim nabavkama, navodeći sumnju u blagovremenost ponuda EUROHERC osiguranje dd Sarajevo i Sarajevo – osiguranja, te traži da se poništi dopuna zapisnika od 11.01.2016. godine i nastavi postupak dodjele ugovora prema zapisniku od 07.01.2016. godine.


Kako je Preporukom i izvještajem komisije, br. 09-49-26470/15 od 18.01.2016. godine konstatovano da su sve ponude blagovremene, te da nije u mogućnosti iste odbaciti niti u potpunosti uvažiti žalbu žalitelja, to je u cilju transparentnosti postupka predmetne javne nabavke dala preporuku za poništenje postupka, na osnovu člana 100. stav 3., a u vezi sa članom 69. stav 3. Zakona o javnim nabavkama.

Pouka o pravnom lijeku:

Protiv ove Odluke dozvoljena je žalba u roku od 5 dana po prijemu iste, Uredu za razmatranje žalbi Mostar, putem ovog organa, u pisanoj formi, direktno na protokol ugovornog organa, elektronskim putem ili preporučenom pošiljkom.

DOSTAVITI:

1. Služba za finansije i zajedničke poslove
2. U spis



Općinski načelnik

mr. Semir Efendić